


DISSERTATIO MATHEMATICA,
DE
LINEIS CURVIS PARALLELIS.



Cujus.

Partem Priorem

Conf. Ampliss. Facult. Philos. Aboëns.

PRÆSIDE

Mag. ANDR. JOH. METHER,

Math. Prof. Reg. & Ord.

PRO LAUREA

publice ventilandam sistit

GUSTAVUS ADOLPHUS BRUNOU,

Wiburgensis.

In Audit. Majori die XXVI Maji MDCCCI,

Horis a. m. solitis.

ABOÆ, typis Frenckellianis.



§. I.

Quod in Theoria linearum rectarum parallelarum assumi solet principium, lineas videlicet rectas, manente distantia inter easdem invariata, esse parallelas, in genere lineis de curvis non valet. Harum quidem parallelismus tangentium ope ita determinatur, ut, si ductæ ad puncta quævis correspondentia lineæ tangentes inter se sint parallelæ, ipsas quoque curvas in iisdem punctis parallelas esse dicamus. Dupli autem modo puncta ista correspondentia determinari poslunt; locus enim ipsorum vel in communi curvarum linea Normali esse potest, vel etiam in linea ordinatim applicata. In casu priori distantia inter curvas est invariata; in altero vero inæqualiter a se invicem distent curvæ, necesse est, quo in casu curvæ similes appellantur. Hinc itaque sequitur, ut parallelismus curvarum dupli modo concipi possit: aut enim distantia inter curvas in quibusvis ipsarum punctis eadem est, aut hæc distantia invariata non manet; parallelæ tamen dicuntur curvæ, eo ex fundamento, quod tangentes curvarum in utroque casu æqualiter a se invicem distare possunt.

Sed quæ jam de curvis in genere sunt allata, de Circulis pariter dici non possunt, quippe qui ejus sunt indolis, ut omnes sint similes & insimul, si paralleli fuerint, æqualibus in quovis punto intervallis distent.

Theoriam curvarum parallelarum, quamvis insignis ipsius sit usus, nullus, quantum nobis quidem constat, ante tempora Cel. J. G. KÄSTNER tradidit. Maxime autem inclitus hic Geometra, in litteris ad Cl. R WOLTMAN datis, quæ in *Beyträge zur hydraulischen architektur, aufgesetzt von R. WOLTMAN, 2:er Band, Götting.* 1792, pag. 33-57 recententur, hanc ingeniose enodavit rem, ostendens, quatuor adhiberi posse methodos lineam curvam datæ cuidam parallelam ita ducendî, ut distantia inter illas semper eadem maneat, quarum methodorum illam in sequentibus paullo fusius exponere statuimus, qua relatio inter Coordinatas Orthogonales quæritur ex data æquatione illius curvæ, cui parallela est ducenda, L. B. censuræ jam submittentes, quæ ad hanc illustrandam apta duximus.

§. 2.

Quamvis primo intuitu videatur, æquationes pro lineis curvis datæ cuidam parallelis facilissime inveniendas esse, si quantitates constantes, relationem inter coördinatas curvæ datæ Orthogonales determinantes, alia quantitate cognita augeantur vel minuantur; minime tamen hac methodo pro quibusvis curvis uti possumus. Æquatio enim Circuli hoc modo determinari potest, ita ut datæ hujusmodi curvæ parallela inveniatur; de reliquis vero generatim non valet. Sic, ex. gr. si in Ellipsi, cuius æquatio est $y^2 = b^2 - \frac{b^2 - x^2}{a^2}$, sumta origine abscissarum in centro, loco axium a & b statuantur $a \pm c$ & $b \pm c$, nova quidem exsurgit æquatio, naturam Ellipsis ejusmodi exhibens, quæ a data, in ipsis verticibus axium, æquilibus

bus distat intervallis, non autem in quibusvis aliis punctis ubicunque sumtis, quod haud difficile est demonstratu.

Sit enim C centrum Ellipsum AM atque BQ , quorum axes sunt a & b , $a - c = \alpha$ & $b - c = \beta$ respectivae, $CP = x$ & $CR = z$; ducta, porro, linea Normalis MN , perspicuum est, si curvæ æquidistantes forent, esse $MQ = AB = c$; demittantur lineæ MP & QR perpendiculariter in CA & ducatur QS parallela ipsi CP , erit ob $\triangle MPN \sim \triangle QRN$, $MN : QN :: PN : RN$, adeoque etiam $MN^2 : QN^2 :: PN^2 : RN^2$, seu $\frac{b^2}{a^4}$

$$(a^4 + (b^2 - a^2)x^2) : \frac{\beta^2}{\alpha^4} (\alpha^4 + (\beta^2 - \alpha^2)z^2) :: \frac{b^4 x^2}{a^4} :$$

$$\frac{\beta^4 z^2}{\alpha^4}$$
, sumtis valoribus normalium atque subnormalium in utraque Ellipsi; unde $(a^4 + (b^2 - a^2)x^2)\beta^2 z^2 =$

$$(\alpha^4 + (\beta^2 - \alpha^2)z^2)b^2 x^2$$
 & $z^2 = \frac{\alpha^4 b^2 x^2}{(a^4 + (b^2 - a^2)x^2)\beta^2 - (\beta^2 - \alpha^2)b^2 x^2}$

adeoque $z = \frac{\alpha^2 b x}{((a^4 + (b^2 - a^2)x^2)\beta^2 - (\beta^2 - \alpha^2)b^2 x^2)^{\frac{1}{2}}} =$

$$\frac{\alpha^2 b x}{(a^4 \beta^2 - x^2(a^2 \beta^2 - \alpha^2 b^2))^{\frac{1}{2}}}$$
 facta debita reductione. Est autem $\triangle PMN \sim \triangle MSQ$, & hinc $PN : MN :: SQ : MQ$, seu $\frac{b^2 x}{a^2} : \frac{b}{a^2} \sqrt{a^4 + (b^2 - a^2)x^2} :: x - z = x -$

$$\frac{a^2 b x}{(a^4 \beta^2 - x^2(a^2 \beta^2 - \alpha^2 b^2))^\frac{1}{2}} : MQ = \\ \frac{(a^2 + (b^2 - a^2)x^2)^\frac{1}{2}(a^4 \beta^2 - x^2(a^2 \beta^2 - \alpha^2 b^2))^\frac{1}{2} - \alpha^2 b^2}{b(a^4 \beta^2 - x^2(a^2 \beta^2 - \alpha^2 b^2))^\frac{1}{2}},$$

unde, restitutis valoribus $\alpha = a - c$ & $\beta = b - c$, videatur lineam istam MQ quantitati c æqualem non esse, adeoque nec curvas æqualibus distare intervallis.

Hoc vero præterea exinde patet, quod, posito $x=0$, esset $MQ = \frac{a^2}{b} - \frac{\alpha^2}{\beta}$, quum tamen hoc in casu æqualis

c esse debuisse; quibus intelligitur lineam MN , Normalem ipsi AM , perpendiculariter in arcum BQ non insistere, quare nec linea MQ minima inter curvas esse potest distantia, nec æqualis quantitati c constanti, qua axes Ellipses BQ diminuti sunt. Unicus tamen adest casus, quo Ellipses AM & BQ eandem lineam normalem habere possunt, assumta videlicet $c = \frac{a^2 - b^2 + b}{b}$, quod ex æquatione

$$MQ = \frac{a^2}{b} - \frac{a - c^2}{b - c} \text{ facilime deducitur.}$$

§. 3.

Solutionis vero problematis nostri instituendæ, curvam scilicet, datæ cuidam parallelam ducere, sequens nobis commodissima videtur methodus. Sumto in Curva AM data puncto quodam M , cuius linea Normalis in isto punto sit MN , axem abscissarum AC in N secans, capiatur

tur $MQ = c = AB =$ distantia inter curvas invariatae, & ducantur PM atque RQ perpendiculariter in AC . Sit $AP = x$, $PM = y$, $BR = z$ & $RQ = v$; erit, ob $\triangle PMN \sim RQN$, $MN : PN :: QN : RN$, seu, adhibitis

harum linearum valoribus generalibus, $\frac{y\sqrt{dx^2 + dy^2}}{dx} :$

$$\frac{ydy}{dx} : \frac{y\sqrt{dx^2 + dy^2}}{dx} - c : RN = \frac{ydy}{dx} - \frac{cdy}{\sqrt{dx^2 + dy^2}}, \quad a.$$

$$\text{deoque } BR = AP + PN - AB - RN = z = x + \frac{ydy}{dx} =$$

$$\frac{ydy}{dx} + \frac{cdy}{\sqrt{dx^2 + dy^2}} - c = x - c + \frac{cdy}{\sqrt{dx^2 + dy^2}}. \quad \text{Est}$$

$$\text{autem } PN : PM :: dy : dx :: RN : RQ :: \frac{ydy}{dx} =$$

$$\frac{cdy}{\sqrt{dx^2 + dy^2}} : v = y - \frac{cdx}{\sqrt{dx^2 + dy^2}}, \text{ unde patet relatio-}$$

nem inter coordinatas z & v Orthogonales inveniri posse ex data æquatione inter x & y .

COROLL. Existente Curva AM Algebraica, erit semper æquatio inter z & v Algebraica; quod ex ipsa inspectione æquationum $z = x - c + \frac{cdy}{\sqrt{dx^2 + dy^2}}$ &

$v = y - \frac{cdx}{\sqrt{dx^2 + dy^2}}$ videri potest. Quod si vero Tran-

scendens curva fuerit data, æquatio quoque inter v & z transcendens evadet necesse est, cuius exemplum WOLTMAN l. c. exhibet.

SCHOL. Eandem plane methodum, qua usi sumus in determinanda inter coordinatas orthogonatas curvæ BQ , datæ AM parallelæ, relatione in casu, quo intra limites curvæ datæ cadit, facile etiam in quolibet alio casu, observatis solummodo variationibus signorum, adhiberi posse, perspicuum est. Sic, si concipiatur punctum B , ad alteram partem ipsius puncti A , respectu axis abscissarum AP , determinatum, ita, ut sit $AB = c$; erit hoc in casu $z = x + c - \frac{cdy}{\sqrt{dx^2 + dy^2}}$ & $v = y + \frac{cdx}{\sqrt{dx^2 + dy^2}}$.

EXEMPL. Quod si sit proposita æquatio curvæ datæ AM , $y^2 = A + Bx + Cx^2$, quæ naturam Sectionum Conicarum generatim exhibet; erit $y = \sqrt{A + Bx + Cx^2}$, atque $dy = \frac{dx(\frac{1}{2}B + Cx)}{\sqrt{A + Bx + Cx^2}}$, & $\sqrt{dx^2 + dy^2} = \frac{dx((\frac{1}{2}B + Cx)^2 + A + Bx + Cx^2)^{\frac{1}{2}}}{\sqrt{A + Bx + Cx^2}}$; ex quibus habebitur $z = x - c + \frac{cdy}{\sqrt{dx^2 + dy^2}} = x - c + \frac{cdx}{\sqrt{A + Bx + Cx^2}}$

$c(\frac{1}{2}B + Cx)$

$$\frac{c(\frac{1}{2}B+Cx)}{((\frac{1}{2}B+Cx)^2+A+Bx+Cx^2)^{\frac{1}{2}}} \quad \& \quad v = y - \frac{edy}{\sqrt{dx^2 + dy^2}} \\ = \sqrt{A+Bx+Cx^2} - \frac{c\sqrt{A+Bx+Cx^2}}{((\frac{1}{2}B+Cx)^2+A+Bx+Cx^2)^{\frac{1}{2}}}. \text{ Quo}$$

jam relatio inter z & v innotescat, exterminanda est quantitas x ; ad hunc autem finem obtainendum, tollenda est irrationalitas æquationum allatarum: at, quum absque prolixo admodum calculo fieri nequeat, seorsim pro sectionibus Conicis in sequentibus relationem istam quærente nobis proposuimus.

§. 4.

Existente arcu AM portione Circuli, cujus æquatio est $y^2 = ax - x^2$, sumta origine abscissarum in vertice Diametri a ; erit in formula generali $A = 0$, $B = a$ &

$$C = -x \text{ adeoque } z = x - c + \frac{c(\frac{1}{2}B+Cx)}{((\frac{1}{2}B+Cx)^2+A+Bx+Cx^2)^{\frac{1}{2}}}$$

$$= x - c + \frac{c(\frac{1}{2}a-x)}{\frac{1}{2}a}, \text{ unde } x = \frac{az}{a-2c}. \text{ Erat autem}$$

$$v = \sqrt{A+Bx+Cx^2} - \frac{c\sqrt{A+Bx+Cx^2}}{((\frac{1}{2}B+Cx)^2+A+Bx+Cx^2)^{\frac{1}{2}}}$$

$$= \sqrt{ax - x^2} - \frac{c\sqrt{ax - x^2}}{\frac{1}{2}a}, \text{ quibus itaque eruitur } a^2 v^2$$

$$= (a-2c)^2 (ax - x^2), \text{ seu } x \cdot a - x = \frac{a^2 v^2}{(a-2c)^2}, \text{ facta}$$

debita

debita terminorum reductione. Substituto vero in hac æquatione valore ipsius x antea jam determinato, habebitur

$$\frac{az}{(a-2c)} \left(\frac{a \cdot a - 2c - az}{(a-2c)} \right) = \frac{a^2 v^2}{(a-2c)^2}, \text{ seu } \frac{az}{(a-2c)^2}$$

$(a \cdot a - 2c - z) = \frac{a^2 v^2}{(a-2c)^2}$, & ducta æquatione in $(a-2c)^2$, eademque per a^2 divisa prodit $v^2 = z \cdot a - 2c - z$) $= az - 2cz - z^2$, quæ quidem est æquatio ad circulum cujus Diameter $= a - 2c$. Hinc itaque luculeater perspicitur illa Circuli proprietas, cuius mentionem supra §. 1. fecimus, Circulum yidelicet ejus esse indolis ut Cursus illi parallela semper sit similis & insimul æquidistans.

§: 5.

In casu, quo arcus AM est portio Parabolæ Conicæ, cujus natura æquatione $y^2 = px$, denotante p parametrum axis, exprimitur, habetur, ex tenore formulæ generalis, in §. 3. allatæ, $A = 0$, $B = p$ & $C = 0$, adeo-

$$\text{que } z = x - c + \frac{c(\frac{1}{2}B + Cx)}{((\frac{1}{2}B + Cx)^2 + A + Bx + Cx^2)^{\frac{1}{2}}}$$

$$= x - c + \frac{\frac{1}{2}cp}{\sqrt{\frac{1}{4}p^2 + px}} = x - c + \frac{cp}{\sqrt{p^2 + 4px}} \& v =$$

$$\sqrt{A + Bx + Cx^2} = \frac{c\sqrt{A + Bx + Cx^2}}{((\frac{1}{2}B + Cx)^2 + A + Bx + Cx^2)^{\frac{1}{2}}} =$$

$$= p^{\frac{1}{2}} x^{\frac{1}{2}} - \frac{cp^{\frac{1}{2}} x^{\frac{1}{2}}}{\sqrt{\frac{1}{4}p^2 + px}} = p^{\frac{1}{2}} x^{\frac{1}{2}} - \frac{2cp^{\frac{1}{2}} x^{\frac{1}{2}}}{\sqrt{p^2 + 4px}}. \text{ Has}$$

vero æquationes comparando habebitur $\sqrt{p^2 + 4px} =$

$$\frac{cp}{z - x + c} = \frac{2cp^{\frac{1}{2}} x^{\frac{1}{2}}}{p^{\frac{1}{2}} x^{\frac{1}{2}} - v}; \text{ ex quibus itaque patet fore}$$

$\frac{cp}{z - x + c} = \frac{2cp^{\frac{1}{2}} x^{\frac{1}{2}}}{p^{\frac{1}{2}} x^{\frac{1}{2}} - v}$, que æquatio, facta debita terminorum reductione, in hanc abit formam: $x^{\frac{3}{2}} + \left(\frac{p}{2} - z - c\right)x^{\frac{1}{2}} = \frac{p^{\frac{1}{2}}v}{2}$, unde, secundum regulas pro solutionibus æquationum Cubicarum consuetas, eruitur

$$x^{\frac{1}{2}} = \left(-\frac{p^{\frac{1}{2}}v}{4} \pm \sqrt{\frac{1}{16}pv^2 + \frac{1}{27}\left(\frac{p}{2} - z - c\right)^3} \right)^{\frac{1}{3}} -$$

$$\left(\frac{p^{\frac{1}{2}}v}{4} \pm \sqrt{\frac{1}{16}pv^2 + \frac{1}{27}\left(\frac{p}{2} - z - c\right)^3} \right)^{\frac{1}{3}} \text{ atque}$$

$$x = \left(\left(-\frac{p^{\frac{1}{2}}v}{4} \pm \sqrt{\frac{1}{16}pv^2 + \frac{1}{27}\left(\frac{p}{2} - z - c\right)^3} \right)^{\frac{1}{3}} - \frac{1}{2} \right.$$

$$\left. \left(\frac{p^{\frac{1}{2}}v}{4} \pm \sqrt{\frac{1}{16}pv^2 + \frac{1}{27}\left(\frac{p}{2} - z - c\right)^3} \right)^{\frac{1}{3}} \right)^2 \text{ ex quibus}$$

$$\text{denuo habebitur } z = \left(\left(-\frac{p^{\frac{1}{2}}v}{4} \pm \sqrt{\frac{1}{16}pv^2 + \frac{1}{27}\left(\frac{p}{2} - z - c\right)^3} \right)^{\frac{1}{3}} \right)^{\frac{1}{2}}$$

$$= \left(\frac{p^{\frac{1}{2}}v}{4} \pm \sqrt{\frac{1}{16}pv^2 + \frac{1}{27}\left(\frac{p}{2} - z - c\right)^3} \right)^{\frac{1}{3}} - c +$$

cp

$$\left(p^2 + 4p \left(\left(-\frac{p^{\frac{1}{2}}v}{4} \pm \sqrt{\frac{1}{16}pv^2 + \frac{1}{27}\left(\frac{p}{2} - z - c\right)^3} \right)^{\frac{1}{3}} - \left(\frac{p^{\frac{1}{2}}v}{4} \pm \sqrt{\frac{1}{16}pv^2 + \frac{1}{27}\left(\frac{p}{2} - z - c\right)^3} \right)^{\frac{1}{3}} \right)^2 \right)^{\frac{1}{2}}$$

æquatio exhibens relationem inter curvæ parallelæ Coordinatas Orthogonales z & v . Hinc vero perspicitur, Curvæ Sectionibus Conicis parallelas, excepto circulo, omnes diversi quidem generis esse a curva data; quod ex sequentibus quoque patebit.

Æquatio Curvæ BQ , quamvis maxime sit implicita, constructionem tamen curvæ facillimam subnormalis ipsius exhibit. Capiatur nempe in curva data AM punctum quodvis M , e quo demittatur linea PM perpendiculariter in AC , & sumatur $PN = \frac{1}{2}p$, eritque, juntis M & N , MN Normalis Parabolæ, in qua sumta $MQ = c$; habebitur punctum Q in curva quæsita parallela. Eodemque modo alia quoque puncta determinari possunt, adeoque descriptio ipsius curvæ haud difficilis est censenda.

Quod si vero desideretur, curvam alteri AM datæ parallelam ita ducere, ut per punctum datum Q transeat, Normalis curvæ AM per punctum istud transiens primo determinetur, necesse est. Hoc vero problema sequenti modo solui potest: puta factum. Sit MN Normalis curvæ AM per punctum Q transiens, ducatur MT ita ut curvam in M tangat, producatur PR usque ad T ; & demittantur lineæ MP , QR perpendiculariter in AC , & SQ pa-

★) ii (★

parallelis ipsi AC . Ponatur $AR=a$, $RQ=b$, $AP=x$, $PM=y$
& parameter Parabolæ $= p$. Ob $\Delta' TPM \sim \Delta MSQ$
erit $TP : PM :: SM : SQ$, h.e. $2x : y :: y - b : SQ$
 $= y \frac{(y-b)}{2x}$; est autem $x = AR - PR = a - y \frac{(y-b)}{2x}$,

unde $2x^2 = 2ax - y^2 + by$, adeoque $y = \frac{b}{2} \pm$

$\sqrt{\frac{b^2}{4} + 2x(a-x)}$. Ex æquatione autem Parabolæ $y^2 = px$,


eruitur $y = \sqrt{px}$; comparando itaque valores ipsius y , ha-
bebitur $\sqrt{px} = \frac{b}{2} \pm \sqrt{\frac{b^2}{4} + 2x(a-x)}$ & terminis evo-

Iutis $2x(a-x) - px = -b\sqrt{px}$; cuius æquationis qua-
dratum sumendo prodit, membris rite dispositis, $x^3 -$
 $2(a - \frac{1}{2}p)x^2 + (a - \frac{1}{2}p)^2 x = \frac{b^2 p}{4}$, hinc vero, positis

brevitatis ergo $\frac{11}{9}(a - \frac{1}{2}p)^2 = -A$ &

$\frac{2}{9}(a - \frac{1}{2}p)^3 - \frac{b^2 p}{4} = B$, habebitur $x =$

$\sqrt[3]{-\frac{1}{2}B \pm \sqrt{\frac{1}{4}B^2 + \frac{1}{27}A^3}} - \sqrt[3]{\frac{1}{2}B \pm \sqrt{\frac{1}{4}B^2 + \frac{1}{27}A^3}} +$
 $\frac{2}{3}(a - \frac{1}{2}p)$. Determinata sic AP , facillime innotescit
 $PN = \frac{2}{3}p$, adeoque etiam linea MN , & sumta in axe ab-
fcis.



scissarum $AB = MQ$, erit B origo abscissarum curvæ parallelæ BQ , transeuntis per punctum Q positione datum. Data vero origine curvæ parallelæ & distantia inter vertices curvarum, facilissima erit constructio curvæ BQ secundum methodum supra allatam.